

[1]問路

[2]今日我同媽媽去探公公婆婆。公公婆婆屋企好遠，我好少見佢哋。
搭巴士搭咗好耐。落車之後，有一個公園。我哋行咗入去。

[3]公園好大，好多嘢玩。我想喺度玩一陣，媽媽唔想。
行咗一陣，媽媽突然停低，望下左，望下右。佢唔知行邊好。

[4]媽媽問我：「家欣，你知唔知道，點去公公婆婆屋企啊？」
我唔知道，唔記得咗。
媽媽話：「不如你試下問人啦。之後一定要同人講唔該啊。」

[5]我見到有個女人坐喺張櫈上面，於是行去問佢：
「唔好意思啊姨姨，你知唔知道點去香城大廈？」

[6]姨姨諗咗一陣，答我：「妹妹，你先喺呢度向嗰邊行，行到公園門口轉右，一路行，去到街市嗰度。街市對面就係喇。」
記得點行之後，我大聲同姨姨講：「唔該晒姨姨！」

[7]姨姨摸摸我個頭，同我講：「唔使客氣。不過我係姐姐嚟㗎，唔係姨姨啊！」
媽媽喺隔離，自己一個喺度笑。
媽媽笑，跟住姐姐都喺度笑。點解佢哋喺度笑嘅？

00024:《問路》Asking For Direction

The CC BY 4.0 license REQUIRES that any reused or repurposed content must have the correct ATTRIBUTION. Please use the text below in your citations, printouts and copyright pages.

Attribution Text

“Asking For Direction” (Cantonese), written by Benson Tong, illustrated by Kenneth,
published by HamBaangLaang (© HamBaangLaang, 2021) under a [CC BY 4.0](#) license on
hambaanglaang.hk

[Find out more here: [HamBaangLaang Attribution terms and CC 4.0](#)]
